



T 3198/O.81

1

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 7 1958





序

國家聲文之文卷遠弗屆闢版圖未闢之國臣史策未臣之

衣踰二萬里江西於其間不及什之一耳

然其山川則有匡廬玉笥龍虎武功章貢修旰揚瀾左
蠡之高且深物產則有豫章之材銀朱之稻信州之楮
雙井之茶西山之葛金谿之苧饒州之陶其於人也理
學則肇自金谿都昌下迨崇仁餘干吉水文章則廬陵
臨川南豐開其源吳虞揭范承其流下至制舉之家亦
必推章陳羅艾相業則有周必大陳康伯楊士奇劉一
燦諸人忠義則有文天祥謝枋得及靖難練子寧周是
修輩高尚則有徐穉陶潛雷次宗蘇雲卿其人仕官則
有若韋丹狄仁傑韓愈范仲淹王守仁至於南安南康

哈佛大學漢和
圖書館珍藏印

則周程朱子過化之地也蓋上下數千年延洽十七代
莫不前輝而後映名至而實歸嗚呼盛矣顧自勝國以
還紀乘之書率就湮沒傳者惟林廷楫通志王宗沐大
志郭子章豫章書而已

本朝康熙癸丑曾奉修志之檄繼值逆藩變亂遂爾中輟
我

皇上削平醜孽者定功成疆圉清晏癸亥三月復

命直省各進通志於時前撫臣安世鼎開局編校刊刻進

呈爾來垂四十年矣潢以匪材謬膺

簡命來撫是邦政事之暇披閱前志似有不愜於懷者乃薈
萃十三郡七十餘州縣之新舊志及先賢子孫所藏家
乘與二三友人再加編纂竊嘗反覆尋繹而歎茲役之

匪易易也大抵居今者病在略古失實者病在采名辭
夸者病在煩蕪腹儉者病在疎漏援證者病在傳會請
託者病在徇情一人也或兩地並收於是有重複之病
一事也或兩家互異於是有舛譌之病茲欲詳於古矣
而後之所疑或前之所缺則徵信難欲考其實矣而此
之所非或彼之所是則折衷難欲節其煩蕪矣而載籍
所存篇連牘累則持擇難欲補其疎漏矣而耳目所接
寡見尠聞則博稽難欲去傳會拒請託矣而一手之所
障不敵衆口之喧沓以范成大爲吳郡志猶不免流俗
之揜阨則絕情尤難若夫刪削重複駁正舛譌則在乎
加之意而已不敢以易心出之慮其忽略於俄頃也不
敢以我見持之慮其矯拂乎公論也雖如是其敢自信

為傳書乎夫西江固向所稱文獻名區也七十年間兩
經兵燹世家藏書僅存什一於千百文不足徵也老成
耆舊彫落已盡前聞軼事無從博諮而遠訪獻不足徵
也要惟是區區無私無欺一念竊附於三代之直道用
以導揚

聖治黼黻太平而備史館之採擇焉昔

康熙五十有九年歲次庚子八月

巡撫江西等處地方兼理軍務都察院右副都御史加
三級臣白潢謹序

西江志序

有記載之人有為人所記載之人吮毫握槩囊括新舊
以傳信後世者記載之人也才術足濟時德澤足庇人
居官而人歌頌既去而思之不忘者為人所記載之人
也江西舊志成於康熙二十三年甲子山川道里人物
政事粗具迨今三十餘年巡撫臣白潢建節茲土亟亟
以纂修通志為事蓋甚重乎記載之役矣自俗尚以分
注為例山曰某嶺某洞水曰某溪某灘而經支不屬原
委聚散不明景物不備人曰某姓某名若者為名宦若
者為鄉賢若者為節孝隱逸流寓方技而生平出處學
術源流家國理亂之故或未之及甚者以好惡為去取
以嫌諱為詳略而微文直筆不可問矣夫紀傳創於龍

門歷代作史者沿之郡邑之志亦史也通志者全省之
史也國史徵信於地志烏可不以史自命桑經酈注止
於志水而道里淹貫事跡詳明實後世言地里者之標
準至於藝文一則志乘家多視爲緩圖沿襲一二以相
塗飾豈知文也者貫道之器天地之所藉以經緯也政
理之得失風俗之盛衰人物之邪正賢不肖紀傳所不
能盡而於碑版詩歌旁見側出以著明之至於山之曠
奧水之淪漪滌灑物產之烏啼花笑畫影繪聲方言禮
俗殊姿異態摹寫於才人之筆端而振揚於賢人君子
之讜言微諷非詩與文其何所屬今西江志新編人物
自漢晉以洎宋元根據史傳博采羣籍務注其所從出
使僞誤假託之敝無所於干又適當明史紀傳進

呈頒刻

聖天子方表章前代節烈昭示臣範大書特書發潛德之幽
光此古今文獻之大幸豈特江右人物快遭逢哉郡志
十有三取一二可爲法者以樹之極其他繁蕪者翦之
錯譌者駁之寡陋不備者補益之乃其尤超軼者在捃
摭周遍凡崇文總目正續通考著述各家引用書目蒐
羅殆十之七八如入酉山如登羣玉藝文之富燦然大
觀雖置局分纂踰年而告成蓋竭其心與目之勞朝斯
夕斯矣其書非江右一省記載之書而海內志乘取則
之書也若其足以爲人記載者自初下車知江楚澤國
最厲民在湖口權署風濤出沒爲移濬武曲港以避之
又於清江築土橋堤農得遂其耕商旅得拯其溺修舉

西江志序
豫章書院教育諸生疏請廣鄉試額以振起士氣他如
減耗贈却鹽規潔已率屬善政不可枚舉今且

內召瀕行矣凡所施澤皆異日江人所記載而可傳者也身
為可傳之人而又傳人所不能傳三立之美一身具焉

兆麟備位藩轄志成例應有序敬抒其所見如此

江西等處承宣布政使司布政使臣許兆麟謹序

西江志序

江西在大江南錯壤楚吳閩粵間為吭喉莊馘地如門
戶之樞如車三十六輻之軸雖地偏天南而十五國中
不邊山海者豫楚外惟江西則然其提封不狹小里廣
且千二百有奇輪加四之一其氣候封疆田賦人文政
教物產各有其典章掌故雖考之於經稽之於史索之
於稠人之口求得其百之什一能乎哉以是十五國必
各撰修其志而代必有成書江西成書之代有也固矣
越稽圖籍禹貢為揚州班固地里志為豫章郡晉宋而
下畛域紛紜所志不一唐史為江南西道宋為江南西
路皆班班可考者然地之伸縮不常而世之盛衰亦異
宜乎踵舊增新之存其人有傳人而後有傳書也

國家撫有萬方江西入版圖於茲八十年先是

今上二十二年巡撫臣安世鼎因於舊志益以新聞其志十三郡命意亦深而舛錯間有殆擗管者之難其人也歷今三十有七年天運日新則固增修之時矣巡撫臣白潢按節茲土造士愛民百度具舉尤加意志乘親理郡邑通志而刪繁就簡去駁存醇且徵文徵獻起例發凡爲一代成書進呈

御覽頒諸史館用以風勵有位興起人心於是乎在不徒有光於江右一隅已也文焯幸際盛時忝持憲節得參編校之末伏念

皇上御宇六十年曆服無疆從來以年號紀元始自漢武及今千八百年未有紀元長久至六甲五子者

聖天子旣得之況乎無已極耶天下地里之有志始於班固之漢史千八百年來亦未聞六十年間有初修重修如今之西江志者況爲一代成書盡美盡善遠過昔人也耶

主聖臣賢之盛於西江志且見之況萬幾萬國之大者耶聞之志也者所以尊經而翼史信今而垂後非徒文字之工記載之博已也志星緯必有光天化日之思志輿地必有慎固封守之策志祀典必有明德馨香之敬政教何以能善俗而宜人賦役何以能足民而裕國詰戎兵靖奸宄舉賢良繩愆繆利中有弊則宜革弊中有利則宜興安民必求所以安圖治必思所以治一披志而已瞭然几席間此非好學深思豈能作非好學深思豈能

覽也哉知之而行之尤所望於莅是邦披是志者
江西等處提刑按察使司按察使加四級臣石文焯謹
撰

西江志

凡例

自宋范石湖吳郡志以星野列沿革之後修志者多因之似
失成文定象之序且嫌于太略今以冠羣目博徵經史災
祥以類致亦可考而知也

十三郡建置先後名號率多異同今考李吉甫元和郡縣志
樂史太平寰宇記歐陽忞輿地廣記祝穆方輿勝覽明一
統志曹學佺名勝志諸書細加校勘其里數多寡經界遠
近一準康熙四十八年本省造報史館原冊至城池學宮
官署修作民力攸屬備書之

山川所在各有封域其或一山而縣亘數縣如匡廬武功之
類則分別向背複出者汰之川之源流分合具詳水利

江西書院甲於他省鹿洞鵝湖鷺洲豫章或扞于唐或扞于宋元明以來增置不一

昭代崇儒規模宏遠分類特編用著文教之盛

田賦戶口漕運軍屯所宜略古詳今悉因藩閩糧道開列款項以備考覈權關置驛鹽引歲銷亦依新額

地大孽生叛據非一戡亂之功班班可考今仿大事記作武事志見逆天者之自取滅亡也

前賢名蹟最易湮沒即或久廢必存其名表章之責於莅斯土者有厚望焉

各府舊志凡守丞倅李令丞簿尉學官雜職例列姓名省志則提綱挈領以督撫藩臬為主各道各鎮輔焉守令以下從新志例不錄其有功德於民者則詳名宦按先賢過化

之地舊志歷數任者各府互見今并歸一傳先據歷代正史繼采名家文集後以志書家乘補其闕略人物亦然舊志於鄉賢分理學儒林文苑忠節孝友隱逸各為一類今統歸人物遠者必徵信舊聞近者俟蓋棺論定善者揚之不善者隱而勿著不敢私擅斧鉞以疑於史也他省寓賢已見名宦者不更複出至閨門貞節亦在所表彰若未經具

題者槩不登載仙釋方伎依仿舊志具體而已

江右前輩自唐宋而後著作如林不啻千有餘家兵燹後湮沒散佚罕覯藏書就所見聞編為目錄近人詩文集間亦采收作者姓名並著於下

祀典所載有其興也孰敢廢之祠廟丘墓雖遠不遺懷賢之

忱於是乎寓

郡邑故事文獻是徵舊志往往詳獻而略於文今依楊升庵四川志例於前人纂述廣為搜羅凡有關政教及諸名勝寓公之作必錄儻於桑梓無涉縱先達名篇概從割愛志中取例多以類從顧文之體製非一零篇斷簡凡無可附麗者統名曰雜或前人軼事志傳不能悉載亦別為一編故以雜著雜記終焉

纂修西江志書官員

總裁

江西巡撫都察院右副都御史臣白潢

提調

江西布政使司布政使臣許兆麟

江西按察使司按察使臣石文焯

江西督糧道臣蔣曰廣

江西分巡饒九南道副使臣陳安策

南昌府知府臣汪弘珏

瑞州府知府臣高成齡

臨江府知府臣汪清

吉安府知府臣王若鏊

土產 第二十七卷

兵衛 漕運附第二十八卷

武事 第二十九卷至三十三卷

關津 橋渡附第三十四卷

驛鹽 第三十五卷至三十七卷

古蹟 第三十八卷至四十二卷

封爵 第四十三卷至四十五卷

科目 第四十六卷至五十三卷

秩官 第五十四卷至五十六卷

名宦 第五十七卷至六十五卷

人物 第六十六卷至九十四卷

寓賢 第九十五卷至九十六卷

列女 第九十七卷至一百二卷

仙釋 第一百三卷至一百五卷

方技 第一百六卷

祥異 第一百七卷

祠廟 第一百八第一一百九卷

丘墓 第一百十卷

寺觀 第一百十一卷至一百十三卷

經籍 第一百十四卷至一百十六卷

藝文 第一百十七卷至二百三卷

詩第一百十七卷至一百四十卷詩餘附末

辭賦第一百四十一第一一百四十二卷

詔敕表牋第一百四十三卷

劉子奏疏第一百四十四至一百四十七卷

狀議第一百四十八卷

碑碣第一百四十九卷至一百五十二卷

記第一百五十三卷至一百七十二卷

書啓第一百七十三卷至一百七十五卷

說論第一百七十六卷

序第一百七十七卷至一百九十五卷

題跋第一百九十六卷

銘箴第一百九十八卷

疏引辨第一百九十九卷

贊頌傳第二百卷

祝文弔文第二百零一卷


誄祭文哀辭第二百零二卷

雜著第二百零三卷

雜記 第二百四卷至二百六卷

西江志目錄

西江志圖



湖廣省界

湖廣省界

廣東省界

南



北

福建省界

浙江省界

江南省界


東



南昌府治圖 西南至瑞州府高縣界

西

西北至湖廣興國州界




東南至撫州府樂安縣界

東

東北至饒州府鄱陽縣界

瑞州府治圖

西至袁州府萬載縣界




袁州府治圖



臨江府治圖 西南至吉安府安福縣界


西

西北至瑞州府高安縣界



南

北




東南至撫州府樂安縣界

東北至南昌府豐城縣界

東南至贛州府興國縣界

東北至臨江府新淦縣界



西南至贛州府贛縣界

西北至袁州府分宜縣界



建昌府治圖

西至撫州府宜黃縣界西

南 界縣城石府州贛至南




北 界縣川臨府州撫至北

東至福建邵武府光澤縣界 東



東至浙江衢州府常山縣界



南 界關水分府昌建至南




廣信府治圖

西至饒州府安仁縣界

北 界縣平樂府州饒至北

東南至廣信府貴溪縣界

東北至江南徽州府初門縣界



饒州府治圖 西南至撫州府臨川縣界

西


西北至九江府彭澤縣界



南康府治圖

西至九江府德安縣界


西



南至饒州府鄱陽縣界

東至南昌府新建縣界

東



東南至南康府建昌縣界

東

東北至江南安慶府界



九江府治圖 西南至湖廣蘄州界

西

西北至湖廣黃梅縣界



南安府治圖

西至廣東韶州府仁化縣界西

南 界縣昌保府雄南東廣至南



北 界縣泉龍府安吉至北

東至贛州府贛縣界



東至贛州府贛縣界

贛州府治圖

西至南安府南康縣界

西



南 界縣源翁東廣至南

北 界縣安萬府安吉至北

東至福建長汀縣界

東




東







鵝湖書院圖







白江志

白江志



講武亭圖





廬山圖



西江志

卷四


三

西江志

卷四

三





秀峯寺圖



御書亭



龍虎山圖



龍井山

虛靜庵

上清宮

真人府

西江志

卷四

三

西江志

卷四

三



琵琶山

先天山

龍虎觀

馬尾水

觀音頂

龍虎山

西江志

卷四

三

西江志卷第一

星野

堯典授時星紀宵旦周禮左氏分野是辨天官繼作為羣
史冠南斗牽牛江湖之畔迨唐一行兩戒爰判精氣相屬
謂配雲漢維大江西割吳越半劍氣升霄瑤光下散芒芒
大象靡究靡殫載籍所稽聿仍舊貫作星野志

乃命羲和欽若昊天曆象日月星辰敬授人時尚書堯典

馮相氏掌十有二歲十有二月十有二辰十日二十有八星
之位辨其敘事以會天位冬夏致日春秋致月以辨四時
之敘周禮

保章氏掌天星以志日月星辰之變動以觀天下之遷辨其

江西巡撫都察院右副都御史白漢輯

哈佛大學漢和
圖書館珍藏印

吉凶以星土辨九州之地所封封域皆有分星以觀妖祥以十有二歲之相觀天下之妖祥以五雲之物辨吉凶水旱降豐荒之祲象以十有二風察天地之和命乖別之妖祥凡此五物者以詔救政訪序事同上

按星土之名始見周禮鄭注星所主土是也從來作地志者專摘以星土辨九州數語第馮相氏掌日月星辰之常度保章氏掌日月星辰之變動知其常而後可以達變故兼錄之

仲冬之月日在斗月令

鄭康成注云仲冬者日月會於星紀而斗建子之辰也孔穎達正義曰按律歷志云仲冬之初日在斗十二度故云日在斗三統曆大雪日在斗十二度冬至日在牛初度元

嘉曆冬至日在斗十四度

星紀斗牽牛也爾雅

郭璞注云牽牛斗者日月五星之所終始故謂之星紀邢昺疏云斗至南方即見故云南斗星紀斗牛之次也

牽牛者言陽氣牽引萬物出之也牛者冒也言地雖凍能冒而生也牛者耕植種萬物也建星者建諸生也十二月律中大呂大呂者其於十二子為丑史記律書

南斗為廟其北建星建星者旗也牽牛為犧牲其北河鼓婺女其北織女史記天官書

斗江湖牽牛婺女揚州翼軫荊州同上

二十八舍主十二州斗秉兼之所從來久矣吳楚之疆候在熒惑占於鳥衡同上

張守節正義云熒惑鳥衡皆南方之星故吳楚之占候也

斗綱之端連貫營室織女之紀指牽牛之初呂紀日月故曰

星紀五星起其初日月起其中凡十二次日至其初為節

至其中斗建下為十二辰視其建而知其次漢書律曆志

星紀初斗十二度大雪中牽牛初冬至於夏為十一月商為十二月周為正月

終於婺女七度鶉尾初張十八度立秋中翼十五度處暑

終於軫十一度同上

丙丁江淮海岱一曰丙楚戌吳越漢書天文志

吳地斗分壅也今之會稽九江丹陽豫章廬江廣陵六安臨

淮郡盡吳分也楚地翼軫之分壅也今之南郡江夏零陵

桂陽武陵長沙及漢中汝南郡盡楚分也漢書地理志

赤道度周天三百六十五度四分一內斗二十六四分退一牛八

女十二進黃道度三百六十五四分一內斗二十四進牛

七女十一後漢書律曆志

自南斗十二度至須女七度為星紀於辰在丑吳越分野屬

揚州費直說周易自張十七度至軫十一度為鶉尾於辰

在巳楚之分野屬荊州費直起張魏太史令陳卓及范蠡

鬼谷張良諸葛亮譙周京房張衡並云晉書天文志

斗牽牛須女吳越揚州九江入斗一度廬江入斗六度按晉地理

志廬江郡豫章入斗十度會稽入牛一度吳分會稽立東

有尋陽縣翼軫楚荊州江夏入翼十二度吳郡其太末信

安二縣地今翼軫楚荊州江夏入翼十二度吳分江夏立

斗建之間三光道也星動則眾勞月暈之蛟龍見牛馬疫月

五星犯之關梁不通有大水歲星曰東方春木主齊吳熒

惑曰南方夏火主楚吳越以南歲政緩則不行急則過分
逆則占熒惑緩則不出急則不入違道則占同上

北方南斗六星天廟也丞相太宰之位主褒賢進士稟授爵
祿又主兵一曰天機南二星魁天梁也中央二星天相也
北二星杓天府庭也亦為天子壽命之期也將有天子之
事占於斗斗星盛明王道平和爵祿行隋書天文志

貞觀中李淳風撰法象志因漢書十二次度數始以唐之州
縣配而一行以為天下山河之象存乎兩戒北戒自三危
積石負終南地絡之陰東及太華逾河並雷首底柱王屋
太行北抵常山之右乃東循塞垣至濊貊朝鮮是謂北紀
南戒自岷山蟠冢負地絡之陽東及太華連商山熊耳外
方桐柏自上洛南逾江漢撫武當荆山至於衡陽乃東循

嶺徼達東甌閩中是謂南紀河源自北紀之首循雍州北
徼達華陰而與地絡相會並行而東至大行之曲分而東
流與涇渭濟瀆相為表裏謂之北河江源自南紀之首循
梁州南徼達華陽而與地絡相會並行而東及荆山之陽
分而東流與漢水淮瀆相為表裏謂之南河故於天象則
弘農分陝為兩河之會五服諸侯在焉自陝而西為秦涼
北紀山河之曲為晉代南紀山河之曲為巴蜀皆負險用
武之國也自陝而東三川中岳為成周西距外方大任北
至於濟南至於淮東達鉅野為宋鄭陳蔡河內及濟水之
陽為鄘衛淮水之陰為申隨皆四戰用文之國也北紀之
東至北河之北為邢趙南紀之東至南河之南為荆楚自
北河下流南距岱山為三齊夾右碣石為北燕自南河下

流北距岱山為鄒魯南涉江淮為吳越皆負海之國貨殖之所阜也自河源循塞垣北東及海為戎翟自江源循嶺徼南東及海為蠻越觀兩河之象與雲漢之所始終而分野可知矣於易五月一陰生而雲漢潛萌于天稷之下進及井鉞間得坤維之氣陰始達於地上而雲漢上升始交於列宿七緯之氣通矣東井據百川上流故鶉首為秦蜀墟得兩戒山河之首雲漢達坤維右而漸升始居列宿上觜觴參伐皆直天關表而在河陰故實沈下流得大梁距河稍遠涉陰亦深故其分野自漳濱卻負恒山居北紀衆山之東南外接髡頭地皆河外陰國也十月陰氣進踰乾維始上達於天雲漢至營室東壁間升氣悉究與內規相接故自南正達於西正得雲漢升氣為山河上流自北正

達於東正得雲漢降氣為山河下流娵訾在雲漢升降中居水行正位故其分野當中州河濟間且王良閣道由紫垣絕漢抵營室上帝離宮也內接成周河內皆豕韋分十一月一陽生而雲漢漸降退及艮維始下接於地至斗建間復與列舍氣通於易天地始交泰象也踰析木津陰氣益降進及大辰升陽之氣究而雲漢沉潛於東正之中故易雷出地曰豫龍出泉為解皆房心象也星紀得雲漢下流百川歸焉析木為雲漢末派山河極焉故其分野自南河下流窮南紀之曲東南負海為星紀自北河末派窮北紀之曲東北負海為析木負海者以其雲漢之陰也唯娵訾內接紫宮在王畿河濟間降婁元枵與山河首尾相遠鄰顛頊之墟故為中州負海之國也其地當南河之北北

河之南界以岱宗至于東海自鷓首踰河戒東曰鷓火得重離正位軒轅之祗在焉其分野自河華之交東接祝融之墟北負河南及漢蓋寒燠之所均也自析木紀天漢而南曰大火得明堂升氣天市之都在焉其分野自鉅野岱宗西至陳留北負河濟南及淮皆和氣之所布也陽氣自明堂漸升達于龍角曰壽星龍角謂之天關於易氣以陽決陰夾象也升陽進踰天關得純乾之位故鷓尾直建巳之月內列太微為天庭其分野自南河以負海亦純陽地也壽星在天關內故其分野在商亳西南淮水之陰北連太室之東自陽城際之亦巽維地也夫雲漢自坤抵艮為地紀北斗自乾攜巽為天綱其分野與帝車相直皆五帝墟也究咸池之政而在乾維內者降婁也故為少昊之墟

叶北宮之政而在乾維外者娵訾也故為顓頊之墟成攝提之政而在巽維內者壽星也故為太昊之墟布太微之政而在巽維外者鷓尾也故為烈山氏之墟得四海中承太階之政者軒轅也故為有熊氏之墟木金得天地之微氣其神治於季月水火得天地之章氣其神治於孟月故章道存乎至微道存乎終皆陰陽變化之際也若微者沉潛而不及章者高明而過亢皆非上帝之居也斗杓謂之外廷陽精之所布也斗魁謂之會府陽精之所復也杓以治外故鷓尾為南方負海之國魁以治內故娵訾為中州四戰之國其餘列舍在雲漢之陰者八為負海之國在雲漢之陽者四為四戰之國降婁元枵以負東海其神主於岱宗歲星位焉星紀鷓尾以負南海其神主於衡山熒惑

位焉鶉首實沈以負西海其神主於華山太白位焉大梁
析木以負北海其神主於恒山辰星位焉鶉火大火壽星
豕韋為中州其神主於嵩嶽鎮星位焉近代諸儒言星土
者或以州或以國虞夏秦漢郡國廢置不同周之興也王
畿千里及其衰也僅得河南七縣今天下一統而直以鶉
火為周分則疆場舛矣七國之初天下地形雖韓而雄魏
魏地西距高陵盡河東河內北固漳鄴東分梁宋至於汝
南韓據全鄭之地南盡潁川南陽西達虢略距函谷固宜
陽北連上地皆綿亘數州相錯如繡考雲漢山河之象多
者或至十餘宿其後魏徙大梁則西河合於東井秦拔宜
陽而上黨入於輿鬼方戰國未滅時星家之言屢有明效
今則同在畿甸之中矣而或者猶據漢書地理志推之是

守甘石遺術而不知變通之數也

新唐書天文志

按河分兩戒之說元明以來精於測驗者往往譏其疎

謬通雅云星土分野隋唐之志為詳然自西法圖成則

兩戒之說荒唐矣

利瑪竇為兩圖一載中國嘗見之星
一載中國所未見者天河自井接尾

箕蓋垓埏萬方而分度界之真可決從古之疑
一行兩戒之論辯若懸河以今直之皆妄臆耳又云河

漢以十月收二月見天下皆然而嶺表臘月晴燠之夜

仍見河漢總不收隱此從古無人道破者愚謂一行此

術不惟俯察地理若指諸掌實與觀斗柄而知四時審

中星以驗昏旦同符天象之自然要未可廢而不錄也

斗牽牛星紀也初南斗九度餘千四十二秒十二太中南斗

二十四度終女四度自廬江九江負淮水南盡臨淮廣陵

至於東海又逾南河得漢丹陽會稽豫章西濱彭蠡南涉

越門迄蒼梧南海逾嶺表自韶廣以西珠崖以東為星紀之分也古吳越群舒廬桐六蓼及東南百越之國南斗在雲漢下流當淮海間為吳分牽牛去南河寢遠自豫章迄會稽南逾嶺徼為越分翼軫鶉尾也初張十五度餘千七百九十五秒二十二太中翼十二度終軫九度自房陵白帝而東盡漢之南郡江夏東達廬江南郡濱彭蠡之西得長沙武陵又逾南紀盡鬱林合浦之地自沅湘上流西達黔安之左皆全楚之分 同上

江南道蓋古揚州南境漢丹陽會稽豫章廬江零陵桂陽等郡長沙國及牂牁江夏南郡地潤昇常蘇湖杭睦越明衢處婺温台宣歙池洪江饒虔吉素信撫福建汀漳為星紀分其名山衡廬茅蔣天目天台會稽四明括蒼縉雲金華

大庾武夷其大川湘灑沅澧浙江洞庭彭蠡太湖

新唐書

地理志

考驗冬至之日堯時躔虛至于三代則躔於女春秋時在牛至後漢永元已在斗矣大略六十餘年輒差一度開禧占測已在箕宿校之堯時幾退四十餘度 宋史天文志

北斗七星二曰璇法星主地主陰刑女主象其分為楚四曰權為時主水為伐星主天理伐無道其分為吳其色在春青黃在夏赤黃秋為白黃冬為黑黃 同上

三台六星西近文昌二星曰上台為司命主壽次二星曰中台為司中主宗室東二星曰下台為司祿主兵上台下星主荆揚 同上

天市垣二十二星在氐房心尾箕斗宮內東蕃十一星六曰

吳越西蕃十一星二曰楚 同上

北方南斗六星天之賞祿府主天子壽算為宰相爵祿之位
南星者魁星也北星杓也第一星曰北亭一曰天開一曰
鐵鎖石申曰魁第一主吳二會稽三丹陽四豫章五廬江
六九江按漢永元銅儀斗二十四度四分度之一唐開元
游儀二十六度去極百十六度今百十九度景祐測驗亦
二十六度距魁第四星去極百二十二度牛宿六星其北
二星一曰即路一曰聚火又曰上一星主道路次二星主
關梁次三星主南越須女四星天之少府賤妾之稱婦職
之卑者也十二國十六星在牛女南近九坎各分土居列
國之象九坎之東一星曰齊齊北二星曰趙趙北一星曰
鄭鄭北一星曰越越東二星曰周周東南北列二星曰秦

秦南二星曰代代西一星曰晉晉北一星曰韓韓北一星
曰魏魏西一星曰楚楚南一星曰燕有變動各以其國占
之陶隱居曰越星在婺女南楚一星在魏西南 同上

按十二國中有越無吳此春秋越滅吳後所占也

五車五星次東南一星曰司空主填星楚分荊州主黍粟 同上

按五車之占有楚而無吳越當在戰國楚滅越已後但
既不主揚州則於豫章似無涉惟安成一郡晉屬荊州
差可牽合耳

黃道宿度斗二十三度半牛七度半女十一度太翼十九度
少軫十八度太 宋史律曆志

江南東西路蓋禹貢揚州之域當牽牛須女之分東限七閩

西略夏口南抵大庾北際大江 宋史地理志

揚州北極出地三十三度 元時四海測景之所凡二十有七此揚州乃今揚州江都縣地

州北極出地二十六度半 元史天文志

列宿著於天為舍二十有八為度三百六十五有奇非日躔無以校其度非列舍無以紀其度周天之度因二者以得之天體渾圓當二極南北之中絡以赤道日月五星之行常出入於此天左旋日月五星遡而右轉昔人曆象日月星辰謂此也然列舍相距度數非微有動移則前人所測或有未密古用闕管今新制渾儀測用二線所測度數分秒與前代不同斗二十五度二十分牛七度二十分女十一度三十五分翼十八度七十五分軫十七度三十分黃道宿度斗二十三度四十七分牛六度九十分女十一度

三十二分翼二十度九分軫十八度七十五分 元史曆志

黃道十二次宿度斗三度七十六分八十五秒入星紀之次

辰在丑女二度六分三十八秒入元枵之次辰在子張十

五度二十六分六秒入鶉尾之次辰在巳軫十度七分九

十七秒入壽星之次辰在辰 同上

天有九野 高誘注九天之野也 九千九百九十九隅去地五億萬里東

北曰變天其星箕斗牽牛 陽氣始作萬物萌芽故曰變北天斗吳分野牽牛越分野

方曰元天其星須女虛危營室東南方曰陽天其星張翼

軫星分度斗二十六牽牛八須女十二翼十八軫十七星

部地名斗牽牛越須女吳 與高誘前注異 翼軫楚 淮南天文訓

帝張四維運之以斗月徙一辰復反其所又曰太陰在四仲

則歲星行三宿 仲中也四謂太陰在 太陰在四鉤則歲

星行二宿

謂太陰在四角

二八十六三四十二故十二歲而行二

十八宿熒惑常以十月入太微受制而出行列宿司無道之國為亂為賊為疾為喪為饑為兵出入無常辯變其色

時見時匿

同上

辰星水精生元武歲星木精生蒼龍

抱朴子

天左動起於牽牛

河圖括地象

斗二十二度無餘分冬至在牽牛所起又云歲星木精熒惑

火精歲星得度五穀滋熒惑順行甘雨時

尚書考靈曜

牽牛流為揚州分為越國軫星散為荊州又曰三台色齊君

臣和不齊大乖

春秋元命苞

斗第一天樞第二璇第三璣第四權第五衡第六開陽第七

瑤光第一至第四為魁第五至第七為杓

春秋運斗樞

蒙山以東至南江會稽震澤徐揚之州屬權星大別以東至

雷澤九江荊州屬衡星

春秋文耀鉤

兗豫屬上台荆揚屬下級

論語擿輔象

鄭司農名衆說星土以春秋傳曰參為晉星商主大火國語曰

歲之所在則我有周之分野之屬是也某謂大界則曰九

州州中諸國中之封域於星亦有分焉其書亡矣堪輿雖

有郡國所入度非古數也今其存可言者十二次之分也

星紀吳越也元枵齊也娵訾衛也降婁魯也大梁趙也實

沈晉也鶉首秦也鶉火周也鶉尾楚也壽星鄭也大火宋

也析木燕也此分野之妖祥主用客星彗孛之氣為象

鄭

康成周禮注

歲星為陽右行於天太歲為陰左行於地十二歲而小周其

妖祥之占廿氏歲星經其遺象也 同上

周天三百六十五度四分度之一分為十二次日月之所躔也地有十二分王侯之所國也每次三十二度三十三分之十四自張十二度至軫六度謂之鶉尾之次立秋處暑居之楚之分野自斗六度至須女二度謂之星紀之次大雪冬至居之越之分野 蔡邕月令章句

布度定紀布州繫象雍屬魁冀屬樞兗青屬機徐揚屬權荆屬衡梁屬開陽豫屬瑤光 張揖廣雅

此以九州屬北斗也星止七而州有九何也合青於兗合揚於徐故七星可主九州也與宋史第二主楚第四主吳說異

星紀在丑斗牛之次 杜預春秋左傳注

天子祭天之時因祭四方之星諸侯祭其分野之星又曰天有十二次地有十二辰丑子亥北方之辰也次之與辰上下相值故云星紀在丑 孔穎達春秋正義

天有十二次地有九州以此九州當彼十二次周禮雖云皆有分星不知其分孰分之也星紀在於東北吳越實在東南魯衛東方諸侯遙屬戌亥之次又三家分晉方始有趙而韓魏無分趙獨有之 此據鄭氏周禮注 漢書地理志分郡國以

配諸次其地分或多或少鶉首極多鶉火甚狹徒以相傳為說其源不可得而聞之或有災祥而為占者多得其効蓋古之聖哲有以度知非後人所能測也 同上

吳越在南齊魯在東今歲星或北或西不依國地所在者此古之受封之日歲星所在之辰國屬焉故也吳越二國同

次者亦謂同年度受封故同次也 賈公彥周禮疏

熒惑主霍山揚州荊州交州又曰璇璣者謂北極星也玉衡者謂斗九星也玉衡第四星主荊州常以五卯日候之乙卯為南陽己卯為零陵辛卯為桂陽癸卯為長沙丁卯為武陵凡五郡第六星主揚州常以五巳日候之乙巳為豫章辛巳為丹陽己巳為廬江丁巳為吳郡會稽癸巳為九江凡六郡 星經

按郭子章云江西本豫章郡當候以乙巳廣信玉山舊屬會稽郡當候以丁巳安福舊屬長沙郡當候以癸卯其說雖拘於地猶不失古法也

地有山嶽以宣其氣精種為星星也者體生於地精成於天列居錯峙各有迤屬紫宮為皇極之居太微為五帝之廷

明堂之房大角有席天市有坐蒼龍連蜷於左白虎猛據於右朱雀奮翼於前靈龜圈首於後黃神軒轅於中六擾既蓄而狼虬魚鼈罔有不具在野象物在朝象官在人象事於是備矣眾星列布其以神著有五列焉是為三十五名一居中央謂之北斗動變挺占實司主命四布於方為二十八宿日月運行歷示吉凶五緯經次用告禍福則天心於是見矣近天則遲遠天則速行遲者覲於東屬陽行速者覲於西屬陰攝提熒惑地候見晨附於日也太白辰星見昏附於月也 張衡靈憲

熒惑犯南斗為多火災 海中占

五車一名庫凡十四星五車中有三柱三星若不見兵盡起

劉叡荊州占

北斗七星間相去九千里皆在日月下 徐整長歷

南斗六星去牽牛二十六度四分之一 大象列星圖

南斗牽牛星紀之次初斗十一度外末女七度內於分爲吳越於辰在丑於野在揚自漢廬江九江負淮水之南盡臨淮廣陵於東海又逾南海西濱彭蠡南至南海南斗在雲漢之下流當淮海之間爲吳分牽牛去南河寢遠故其分野自古豫章東達古之會稽南逾嶺徼爲越分島夷蠻貊之人聲教所不洎者皆係之其在中國之地廬舒濠和滁真揚楚泰通無爲兩浙之蘇秀湖杭常潤明越睦處溫台衢婺江南之江寧饒信洪撫筠素虔吉宣歙江池太平廣德南康興國臨江建昌福建之漳泉汀南劍興化邵武廣南之循梅潮惠廣端康封梧新恩春藤高竇雷化容白南

義瓊珠崖昌化萬安皆吳越之分也 于大吉天文祕訣

九江入牛五度豫章入斗十度彭蠡入翼十五度 同上

按彭蠡入翼豈據張勃吳錄以彭蠡爲洞庭耶姑錄之王奕云天本無度因日之行一晝夜所躔闊狹強名爲度二十八宿亦未始有度也天體冲漠雖分爲三百六十五度然其度難別也故作曆者隸其度於二十八宿用以紀日月所躔而已說渾天者曰日之所躔或多或少或寡適當其星者凡二十八故度之多寡於是生焉井斗之舍非無星也然不與日躔相當故其度不得不闊觜鬼之傍非無星也然日躔一二日而其星適與相當故其度不得不狹夫其得度闊狹非舉一宿全體盡占此度也南斗六星也舉全體而言之合距杓星爲度而今曆家距魁第四星爲度杓

二星則入於箕牽牛六星也舉全體言之合距西二星為度今曆家距中二星為度而西二星則入於斗虛二星也舉全體言之合距北星為度而今曆家距南星為度北星則入於牽牛蓋南斗六星之中杓二星不當日之度而魁第四星當度故距於魁而得二十六度牽牛六星之中西星不當日之度而中二星當度故牽牛距魁而得六度虛二星之中北一星不當日之度而南一星當度故虛距南星而得十度古之造曆假說是法以步日躔或者不察謂二十八宿本有其度又見其宿得幾度遂謂舉一宿全體在焉則又非矣奕又云星本無次古昔黃帝因日月所會而為之名耳然帝王世紀費直周易蔡邕月令又與三統曆殊少或差一二度多或五六度何也是行也每歲有差

則日月所會之次分度亦異此言十二次所以不同也 宋中興天文志

五星之行過有道之分則循軌順行天下乂寧年穀順成過無道之分則犯闕變色為災為兵曰吉曰凶未有不關於人事者也然五星之變俱足以致殃熒惑太白為甚而熒惑尤甚蓋熒惑火也性烈而不常又為執法之官司天下過失故其應尤為亟也 同上

斗六星其狀似北斗二十五度五星貫中日月正道日月五星逆入斗天下流蕩孛犯之兵起星小暗則廢宰相及死牛六星近在河岸頭七度日月五星之中道中星移上下牛多死小星亡則牛多疫月暈損犢金火犯之兵災水土犯之吉女四星如箕十一度下九尺為日月中道小暗則

國藏虛移動則婦女殃產死者多日月食國憂木犯立后
火犯女喪金犯災土孛犯損蠶翼二十二星十九度甘氏
云主太微三公化道文籍失色則民流日月交食五星並
逆芒動則化道不行文籍壞滅動移則三公廢明大則化
成軫四星十七度甘氏云軫七星此兼長沙左轄右轄而言主將軍樂
府歌讙之事五星犯之失位亾國女子主政人失業賊黨
掠人禍生於百日内若明大則天下昌萬民康四海歸王
鄭樵通志天文略

五車均明柱皆具則倉廩實不具其國絕食兵且起五車三
柱有變各以其國占之三柱出外兵出柱入兵入柱出一
月米貴三倍期一年出兩月米貴六倍期二年出三月米
貴十倍期三年柱出不與天倉相近米穀運出千里柱倒

立尤甚火入守旱金入守兵起水入月暈不則有赦

同上

三台六星兩兩而居起文昌列招搖太微一曰天柱三公之
位也在天曰三台主開德宣符也張衡云金火守入兵起
彗孛尤甚也北斗七星在太微北七政之樞機陰陽之元
本張衡云若廣營宮室妄鑿山陵則第二星不明或變色
發號施令不順四時不明天道則第四星不明或變色凡
日月暈連環及斗或搖動兵起其傍斗中小星多則天下
不安人多怨一云小星多則天下安五曜及客星守入皆凶孛彗尤
甚同上

黃帝分星次斗十一度至婺女七度曰須女又曰星紀於辰
在丑於律為黃鍾斗建在子今吳越分野費直分星次斗
十度至女五度為星紀吳越分野屬揚州蔡邕分星次斗

六度至須女二度謂之星紀大雪冬至居之吳越之分野
陳卓范蠡鬼谷張良諸葛亮譙周京房張衡分星次斗牽
牛須女吳越揚州九江入斗一度豫章入斗十度唐一行
所分星次南斗牽牛星紀之次也丑初起斗九度中斗二
十四度終女四度其分野自廬江九江負淮水之南盡臨
淮廣陵至于東海又逾南河得漢丹陽會稽豫章郡西濱
彭蠡南涉越州盡東南百越之國皆星紀分也南斗在雲
漢下流殷淮海之間為吳分牽牛在河南浸遠故其分野
自豫章東達會稽南逾嶺徼為越分 范成大吳郡志分野
說

費直書十二篇以易卦配地域蔡邕月令章句以節氣當國
分及皇甫謐作帝王紀復以月律配入辰次言之而事益

支矣按邕之說豕韋之次立春驚蟄居之衛之分野以至
亥枵小寒大寒居之為齊之分若謚之說星紀之次於辰
為丑謂之赤奮若於律黃鍾斗建在子吳越分野以至析
木於辰為寅謂之攝提格於律應鍾斗建在亥燕之分野
此班鄭之說也鄭氏律說黃鍾子之氣十一月建而辰在
星紀應鍾亥之氣十月所建而辰在析木班固歷志娵訾
之初危十六度為立春中營室十四度為驚蟄元枵之初
婺女八度小寒中而危初為大寒二子蓋源乎此夫星紀
東北而吳越實東南降婁娵訾戌亥之位而魯衛實在東
北齊表東海而星且北秦處西陲而次乃南故或以古受
封之日歲星所在為說武王克商歲在鶉火伶州鳩云歲
之所在我周之分野則周屬鶉火晉文即位歲受實沈董

因所云實沈之虛晉人是居自張十七至軫十一鶉尾楚分故魯襄二十八年歲淫元枵裨竈知楚子之死謂歲棄其次以害烏帑周楚惡之則鶉尾為楚矣自氏五至尾九大火宋分故魯昭十七年星見火辰梓慎知宋鄭之火謂宋大辰之虛皆火房也則大火為宋矣然春秋戰國地每遷變三晉未分晉果何分秦拔西河魏當何屬周既東西何都而直鶉火陳滅於楚何自而入韓分前封後據又豈得如康成之所謂同時而當星次哉古之國邑不過百里何常而得專次况古萬國周千八百又豈皆無受封之日而獨此十二國得當之乎秦乃周也不曰周而以東洛為周唐都京兆二郡既入畿內而說者尚謂秦分則是國易而地不易也吳楚齊晉春秋之末廣土所至一時配入而

不知疆域雜亂之不可要也夫風俗之所以異以廣谷大川之異制也州郡雖改山川不移閩浙五嶺本自兩越荆揚徐梁正爾三楚亦何得以是制哉此一行所以惟取七宿之中分四象之中位自上元之首以度為紀據山河以分其野然亦未之盡也苟以封日則有絕而復續者或以姬而繼子封日既異前人又非而前星且不變耶禹貢無言保章之說惟不得而執也雖然豕韋禍蔡大梁凶楚元枵見饑乎宋鄭星紀定占於吳越永嘉中歲白熒惑聚牛女間時謂吳越當有興王未幾元帝登位故史臣謂星斗是祥符堅會謀南寇石越對以歲鎮斗牛福德所在而符融亦以吳越為不可伐蓋有不可誣者歲之所在為福所衝為災故師曠梓慎裨竈有得而言天道在西北而晉不

害在越而吳不利皆以歲言之也吳越同分而史墨以為越得歲吳不應伐是又不可曉者前哲之言蓋亦自有所見而不必牽乎此餘如未然要以九州之分為正

羅泌星野說

天有三垣紫微太微天市是也紫微太微皆將相輔佐之位而天市下垣則列國星宿之所在其星東西二十有二宋南海燕東海徐吳越齊中山趙九河魏韓楚梁巴蜀秦鄭河中河間晉周曰分野者指列星所屬之分而言鄭氏謂星所主土是也其國在此而星則在彼彼此若不相配而其為象未嘗不相屬非地之在北者其分野在天亦居北地之在南者其分野在天亦居南也

蘇伯衡論分野

南昌瑞州饒州臨江袁州

皆吳地

廣信撫州建昌贛州南安禹

貢揚州之域星紀斗分南康

揚之西陸吳頭楚尾

九江

吳地

吉安

吳楚之境

禹貢荆揚二州之域星紀斗分

清類天文分野之書

南昌饒州廣信南康建昌撫州臨江吉安瑞州袁州贛州南

安天文斗分野九江天文斗牛分野

明一統志

晉天文志十二次分野始角亢者以東方蒼龍為首也唐十二次始女虛危者以十二支子為首也其以斗牛為星分之首者日月星起於斗宿古之言天者由斗牛以紀星故曰星紀則星紀為十二次之首而斗牛又二十八舍之首也又曰斗主薦賢受祿斗為器量所以斟酌也民事莫重於耕織故牛女相聯

鄭曉天文述

斗六星二十五度吳之分野應天鳳陽蘇州松江常州鎮江廬州安慶太平寧國池州徽州和州滁州杭州廣德州處

州南昌

八州縣

饒州

七縣

廣信

七縣

南康

四縣

建昌

五縣

撫州

六縣

吉安

九縣

瑞州

三縣

袁州

四縣

贛州

十二縣

南安

四縣

牛六星七度

吳之分野揚州淮安湖州温州九江

五縣

章世純星次分野

地球在天中止於一點何以徵之人在地面不論所在仰視

填星歲星熒惑彼此所見恒是同度故知地體較於天體

則為極小若地大者兩人相去絕遠其視三星彼此所見

不宜同躔問熒惑歲星填星孰為遠近日熒惑在歲星填

星之內在日之外何者一為其行黃道速於二星遲於日

也歲星在其次外其行黃道速於填星遲於熒惑也填星

在於最外其行黃道最遲又恒星皆無視差七政皆有之

以此明其遠近又最確之證無可疑者

徐光啓測天約說

明輿地圖以方格限里數查自順天府至應天府

今江寧府

二千

二百里至杭州府二千七百里至南昌府三千里至廣州

府四千八百里因前後北極出地差度乃求每度應里數

若干如應天府較京師差八度南昌差十一度以二百七

十二里推一度杭州差十度用二百七十里廣州差十七

度用二百八十二里所推里數略不合者或測極高未必

確而查豎晷無景亦未必定故止以二百五十小里約計

之可也若折中多寡以二百七十里論當得九萬七千二

百為地球一周之里數置零數不用尚有九萬餘里

李天

經渾天儀說

地球用法其經緯皆異者任令一處居頂而從此下高弧至

地平使之南北游移以正交其彼處為度乃識交度與頂

之中弧化為里則得二處直相距之里數又復識本高弧

交地平度因以得彼處較前處所居之方位若經同而緯異即先移其處同居子午圈下以本圈上度識二處各距赤道若干度以之相減乃得其相距度因以化為里如順天府與南昌府約在同經試於子午圈上得南昌北距赤道二十八度順天距四十度相差十二度化得三千六百餘里設一處在赤道內一處在赤道外各以所得數相加即其相距度乃因以化為里若緯同而經異即先各以其處移至子午圈下從鶯島圈線起至子午圈下止赤道上算各經度以之相減即得二處經度差但距赤道內外遠近者依赤道平行小圈似不能如前法求里數蓋小圈所應一度之里較本赤道度相應者不等因而度小里數亦應少今惟於球上用高弧乃有一簡即得者何也以一處

居頂安高弧使從他處過則止視高弧上交點與頂之間弧即其相距度因復算得里數如前

同上

丹天之氣經於牛女

黃帝素問

揚州管斗吳之分野兼得楚及南越之交

杜佑通典

夾滌鄭氏曰天之所覆者廣而華夏所占者牛女下十二國耳牛女在東南故釋氏謂華夏為南瞻部洲其二十八宿所管者多十二國之分野隨其所隸耳按鄭氏因牛女間有十二國星而以為華夏所占者只牛女二星且引釋氏南瞻部洲之說以為證然以十二次言之牛女雖屬揚州而華夏之地所謂十二國者則不獨揚州而已又揚州雖可言東南而牛女在天則北方宿也與南瞻部洲之說異矣且北斗七星其次舍自張而至於角五車五星其次舍

在畢星書所主者亦此十二國而此二星初未嘗屬乎牛女也謂牛女專主華夏可乎

馬端臨文獻通考

天與七政八者皆動今人只將天做硬盤却以七政之動在

天盤上行古來曆象非不知七政亦左行但順行不可算

只得將其逆退與天度相直處算之因此遂謂日月五星

逆行也

此本隋志及張載正蒙蔡沈書傳

又曰歲星之行比鎮星尤遲其

不及於天積十二個月與天爭差三十度熒惑之行比歲

星更遲其不及於天積六十日爭差三十度

吳澄集

木星八十三年而七周天與日合者七十六火星七十九年

而四十二周天與日合者三十七

劉定之雜志

七政歷分星諸占日躔星紀之次其分野方位吉日蝕在斗

春秋感精符曰國飢武氏曰吳地有兵月蝕在斗占曰國

飢又曰兵起月入南斗荊州占曰吳越有災期不出三年

月犯南斗陳卓曰風雨不時兵起月乘宿南斗占曰有風

雨歲星在南斗占曰吳越有福歲星守南斗石氏曰歲星

守中久則穀貴春秋合誠圖曰歲飢人相食歲星熒惑合

於南斗占曰吳越飢旱不可用兵鎮星守南斗福德在吳

歲鎮斗牛吳越之福鎮星犯南斗占曰先水後旱太白犯

南斗主寇兵太白守南斗黃帝占曰所守之國凶太白鎮

星合於南斗占曰吳越有兵太白合歲星在斗占曰為亂

飢為內兵太白晝見南斗占曰有兵喪辰星犯南斗天文

錄曰有水災辰星守南斗陳卓曰萬物不成五穀傷敗熒

惑犯南斗其地主兵變熒惑守南斗占為亂賊喪兵守之

久其國絕祀客星守南斗占曰有兵絕道大水盜賊起黃

帝占曰五穀先賤後貴客星出南斗石氏曰天下饑人相食關梁不通客星在南斗占有兵有赦流星入南斗占曰穀貴民勞彗孛犯南斗占曰吳越兵起有自立者三年而滅又曰吳越大水

郭子章豫章書

晉張華雷煥見斗牛間紫氣求之得寶劍於豐城故王子安滕王閣詩序云物華天寶龍光射牛斗之墟吳分也又云星分翼軫地接衡廬玉海云天關翼軫之疆地振江湖之國則以其近於楚分也而或者以子安為誤誤矣於次為星紀為鶉尾

同上

豫章之地春秋時以為楚之東境據天文則吳之分野

涂廩

續豫章記

一統志豫章十三郡皆禹貢揚州之域而九江南康則地兼

乎荆天文斗分野而九江則宿兼乎牛考牛宿本位居丑之次為吳越揚州之分六星凡七度此王勃所謂斗牛之墟者乎然斗二十五度所分野之地週數千餘里躔度次舍宜有鑿然不爽者考之天文諸書以及各郡舊志類皆沿習異同不能明晰各度乃蒐求遺書獲殘卷一帙二十八宿分野之圖說僅存云斗六星二十五度為吳之分野南昌入斗八度饒州廣信同居七度瑞州三度建昌五度撫州六度吉安九度贛州十二度南康臨江袁州南安俱斗四度而九江則入牛五度雖分郡甚晰然與九江入斗一度豫章入斗十度從前諸家又相徑庭矣豈氣數遷移古今懸隔不相符合一至此乎

江西志論

南昌府故禹貢揚州之域春秋時地名豫章屬吳於辰則丑

於次則星紀於宿則斗牛女晉志云豫章郡入斗十度考
晉張華問斗牛之間何為有異氣雷煥對以寶劍之精當
在豫章豐城宋黃庭堅曰勾吳之區維斗所直是斗十度
正本府之分野

南昌府志

按南昌各府志略於星野撫州廣信援引稍詳吉安贛
州則并此門類而去之故就諸縣志中說有根據者間
採一二條以補其闕

豫章南斗牛北宿邈不相臨而星野相應古今不爽何歟
賈公彥謂受封之始歲星所在遂為分野鄭夾漈謂諸國
分星命以主祭二說今並存之論者謂天體圓蓋列宿精
光南北相射信矣亦不盡然惟僧一行以雲漢始終表裏
江河分兩戒四維用以紀綱州郡其說極為精透蓋謂星

紀當雲漢下流百川歸焉故其分野自南河下流窮南紀
之曲東南負海為星紀則吳越適相值今按豫章入斗十
度值星紀之次觀星分野自當以雲漢之說為宗至於五
星三台紫微垣天市垣之星各有分應圖經所載從來久
矣

楊周憲新建志

天文圖斗六星二十五度吳之分野南昌與焉則豫章主斗
無疑矣以豫章近婺州專應牛宿者臆也

章兆瑞進賢志

辨

瑞州古豫章郡地晉天文志及清類天文分野書並云豫章
入斗十度乃舊志稱入斗十三度終十四度此猶不甚相
遠及按唐天文志則云豫章訖會稽南逾嶺徼為越分夫
越屬牛度而牽牛去南河寢遠則瑞安見其果屬斗分耶

且按晉書隆安四年太陰犯牽牛而是年豫章水災則屬牛似乎有驗又云南斗二十五度每一星得四度一分分之六有奇豫章起斗十二度六分終十六度六分有奇以地理分之每百里得九分分之一有奇諸郡居瑞之首者三百六十餘里繼瑞之尾者一千二百七十餘里然則瑞之分野豈非起南斗十三度四分終十四度四分有奇也哉

瑞州府志

瑞志分野屬斗固矣乃入度之淺深有岐說焉至別考占候家言又謂麗牛有徵何哉因思子安滕王閣詩序首言星分翼軫後人多譏其誤謂是少年馳騁之文不暇詳核及考呂覽諸書吳楚之分其星翼軫彼蓋先舉衡廬大勢言也孰謂王生誤哉

按勃精於推步曆算嘗作千歲曆序中明言星分謂吳楚異宿也後人自誤解

耳下稱斗牛之墟則較然矣 同上

省志江右皆斗分野當屬吳境而素志載斗六度至須女二度謂之星紀吳越分野又南斗牽牛星紀之次則萬載分野約在斗牛二星間筠志引晉隆安水災其麗牛有驗萬故筠轄當不甚相遠也 袁州府萬載縣志

臨江爲禹貢揚州之域按漢地理志晉天文志當星紀之次南斗之度 臨江府志

攷春秋正義曰三家分晉方始有趙而韓魏無分二國且不得分昴畢之度安成一縣耳又何必因荆揚二字遽分斗軫丑已哉蓋廬陵與安成接壤地分天次恐不應若是遼絕也安成旣應南斗之占 梁大同五年慧出南斗陳天嘉四年太白入南斗皆應安成郡吉安府廬陵縣志則分野當在揚州之域

星辰之遠度數之微其是非之較吾不能齊也乃若其地則
為吳也舊矣故吾從入斗者焉十二辰次各得天度三十
度三十分之十四無贏縮也按皇甫謐世紀四方之度大有贏縮今考星紀
度數漢志引黃帝分星次起斗十一度至女七度蔡邕起
斗六度至女二度皆得二十九度費直起斗十度至女五
度晉志起斗十二度至女七度唐書起斗九度至女四度
皆得二十八度是星紀不得與諸辰均矣晉志以豫章入
斗十度廬江斗六度九江斗一度而星紀之次乃起斗十
二度則星紀析木各得斗度之半豫章與九江廬江皆不
得居星紀當入析木之津矣惟元郭守敬起斗三度七十
六分八十五秒終女二度六分三十八秒則斗牛正在星
紀之次吳越亦當斗牛之分而各辰度數皆均庶幾近之

諸家星紀之度皆不足三十其分野數千里約二百里不
能當一度九江豫章相距二百里而遙而遂差九度則盡
星紀之野雖百度不給也且界以彭蠡則九江濱湖北豫
章濱湖南經以江漢則九江在江南廬江在江北九江一
度豫章十度乃自北而入南而廬江六度又自南而入北
則星宿亂矣安所取衷哉鄭注謂堪輿雖有郡國所入度
非古數者其是之謂夫南斗二十五度其星六其四主豫
章一星得四度有奇以乘豫章千里之疆約二百餘里而
差一度臨汝南豫章二百里豫章入斗十度則撫亦將入
十一度矣撫州府舊志

文昌在北斗之首斗魁戴筐六星曰文昌宮文耀鉤曰天之
六府孝經援神契曰文精所聚揚天紀輔弼並居以成天

象故曰文昌宮也淳熙志臨川有文昌堰上值文昌星不知何所本按文昌堰之應文昌宮猶南安天柱峰之應紫微垣進賢縣之應進賢星也其說皆鑿宋

守家坤翁云上通辰次各著分野者諸州之所同上通天

垣正應文昌者吾郡之所獨又引漢志元始元年九月有

流星出文昌貫紫宮在斗西北子亥間如環以為文昌亦

當在子亥間與巳午相值巳午東南也巳午之維廣矣而

云獨值吾州者若失之固然猶有說焉譬之日色圓照九

垓而其精光正射影於土圭凝於陽燧者僅如珠如芥豈

昔有精天文者揣命之耶然無所考矣同上

府志援引諸家辨析雖詳卒無確見然俱就西江全地考據

異同非專為一撫州辨也聞西士南懷仁云豫章入斗七

度軫翼非也又據游子六推建昌新城應在斗五度則撫

屬諸縣應在斗六度矣周旋東鄉縣志論

建昌星野在斗正德志據晉史州郡躔次豫章入斗十度嘉

靖志又據撫州志云去豫章二百里將入十一度今按南

城去豫章三百餘里其入十一度比之撫州似尤可據建

昌府志

諸說皆以信為揚州吳越境分野當在斗牛間蓋凡之也周

禮保章氏以星辨九州鄭康成注星紀吳越一星紀耳而

吳越代有廣狹况鄭所指乃春秋之勾吳於越已邈於保

章氏所分而一行所論吳越分野又邈於春秋數倍將誰

是乎惟晉志州郡躔次始分度明初龔敷輩之說為加詳

及攷章大力星次分野畫圖列地分星繫歌仰觀俯察瞭

如指掌攷其所本乃得之湯羅二西士則與今靈臺司曆

者其學合矣 廣信府志

明初舉龔斲及王本杜佑著分野書分星於土分土於度分
度於數獨詳其說以九州在日月之下南屬日北屬月經
以二十八宿積數七百八十三星視其土之廣狹分屬一
宿一宿所屬或一省或兼省郡得宿之度而分居縣又分
其度之數或半數一數以至四五數斲分鉛為光澤崇安
北界北接上饒弋陽入南斗八之頭九之尾三分數之間
星紀之次於辰在丑於數建星於干支丙戌於疆域為揚
之南越分神赤帝赤嫫怒主之 同上

饒占揚州吳國之境考索通考諸書云北斗則揚徐主權饒
則揚五星則歲星主齊吳饒則吳二十八宿則斗牛女星
紀之次為吳越揚州之分野饒則吳越揚州晉書云自南

斗十二度至女七度為星紀吳越之分野屬揚州饒在焉
或云九江入斗一度豫章入斗十度饒界於中非精天文
者莫之分然總以斗為據云 饒州府志

九江入斗一度豫章入斗十度南康為江右名郡星子原隸
江州建昌安義隸豫章其地界於豫章九江之間則宿在
斗分此分野之正也 南康府分野圖說

廬山於天文為星紀之次其辰在丑斗牛分野 廬山志

晉志自南斗十二度至須女七度為星紀於辰在丑國則吳
楚州則維揚又析斗女分豫章入斗十度九江入斗一度
今考劉青田分野細數九江南康廣信三府俱屬斗二十
度而入斗一度者乃江寧揚州二府並存之以俟知推步
者 九江府志

班固地理志以斗牛為吳分野九江屬焉瑞昌九江屬邑相
去不數十里星野將安辨之嘗考蘇軾辰次圖以南斗十
度為吳之頭以軫十度為楚之尾費直星曆南斗之十度
屬豫章軫之十一度屬武昌瑞昌楚之尾也接壤武昌星
曆辰次似宜為軫不為斗今有精甘石之術者其必能辨
於此 瑞昌縣志

邑西聯郴桂郴桂古長沙郡去斗分遠矣

林際春崇義副志

今之言天事者動曰星野星則據北斗七星謂蒙山以東至
南江會稽震澤徐揚之州屬權星大別以東雷澤九江荆
州屬衡星野則據二十八宿班孟堅云楚地翼軫之分壑
吳地斗分壑粵地牽牛婺女之分壑也後人祖其說實不
可據周天三百六十度大地全體九萬里應之上天一度

下地二百五十里確有定所不能移動南自瓊州北極出
地一十八度北至開平等處北極出地四十二度從南涉
北共得二十四度徑六千里在大地全體不過十五分之
一耳豈有穹窿圓象端為六千里而設哉且南北分地亦
不相符僧一行以天漢分南北近又有以圖書數位說之
者體則陽不變而陰變用則陰不變而陽變皆臆度而不
足徵然則保章氏以星土辨九州之地所封封域皆有分
星以觀妖祥盡皆謬歟是蓋未詳所封二字之義也善乎
賈公彥之疏可以解從來之惑矣考廣州府北極出地二
十三度半南昌府北極出地二十九度崇義介在豫章東
粵之交由縣治至庾關僅一百五十里故其風氣略與粵
同 劉凝崇義縣志彙本

江西禹貢揚州之域天文斗分野於辰則丑於次則星紀於宿則斗牛女按揚州之域不止一江右今之江南浙江亦斗分閩廣亦牛女分江西界四省之間而並麗此三星作統志者所列分星於義當矣贛州者江西十三郡之一耳十三郡之分星皆同贛州何以獨得居之舊志引魏太史令陳卓言郡國所入宿度豫章入斗十度贛隸豫章則贛之宿度豫章已統之矣可以不載今之豫章專指洪州贛去洪千有餘里所入之宿度宜不無參差則愈不必載鯁生不敢談天闕之可也 贛州府志凡例

王子充有言分野視分星古不謂地也地有彼此之不齊而分野在天則一定而不易是故吳星紀也而入斗牛宿度豫章地固入斗然吳地南而星紀北以言乎斗又為經星

運動不居者豈非彼此不相配之說乎然則如子充言揚州之有豫章豫章之有雩都非以地之偏全大小析星之度數分毫如星家史氏言也蓋合星紀斗度而主吳則合星紀斗度而主豫章主雩都矣安見雩都之小不足應星紀斗宿之全度哉彼匹夫匹婦精誠所感干於天象况一邑乎 雩都縣志論

豫章與閩禹貢皆揚州域贛州春秋屬吳越戰國屬楚今獨以斗為豫章十二郡之分野閩八郡則牛女分野豈周禮注言斗牛吳越漢書言牛女揚州皆統言之歟抑天星分配以時而變歟今以地論之瑞去贛三百餘里去汀僅八十里星土之交瑞似於斗頗遠於牛女差近然則瑞當介斗牛之間理或然乎 瑞金縣續志

星之與土以氣相屬而不繫於方隅僧一行之言也靈豁入
理自足歷諸家之說按顛古揚州吳越地又屬楚又為豫
章屬縣故星次宜隨之石又顛屬邑也斗牛既為顛之分
星則亦石之分星也然於宿未聞其有專直政使有專直
而一宿中星躔度數必且豆剖瓜分務得江以西者又得
顛者顛屬十二邑中之石城者譬不異以髮屬心鬚屬腎
遂一鬚必求一鬚之水源於腎一髮必求一髮之火種於
心也微乎微難之矣天事渺茫寸寸而量之毋乃以精鑿
而反失之乎盡信書者毋輒引斗牛間寶氣決其在豐城
之類者用相橫折也 郭堯京石城縣志論

已上次舍麗屬占步立說不無異同備錄之以俟參考
魯襄公二十八年 周靈王之二十七年 春無冰梓慎曰今茲宋鄭其饑

乎歲在星紀而淫於元枵以有時蓄陰不堪陽蛇乘龍龍
宋鄭之星也裨竈曰今茲周王及楚子皆將死歲棄其次
而旅於明年之次以害烏帑周楚惡之 春秋左氏傳

魯昭公三十二年 敬王十年 夏吳伐越始用師於越也史墨曰不
及四十年越其有吳乎越得歲而吳伐之必受其凶 同上

按杜注云此年歲在星紀吳越之分也歲星所在其國
有福吳先用兵故反受其殃杜注本之服虔而鄭注則
云天文分野斗主吳牽牛主越此是歲星在牽牛故吳
伐之凶鄭注本之劉向其義較長孔氏正義譏鄭為妄
者非也

越之亡熒惑守斗 史記天官書

漢孝景帝二年七月丙子火與水晨出東方因守斗占曰其

國絕祀至十二月水火合於斗占曰為涿不可舉事用兵必受其殃斗吳也又為粵是歲彗星出西南其三年吳楚膠西膠東淄川濟南趙七國反吳楚兵先至攻梁漢遣大將軍周亞夫等戍止河南呂候吳楚之敝遂敗之吳王亡走粵粵攻而殺之

漢書天文志

光武帝中元元年十一月甲子晦日有蝕之在斗二十度斗為廟主爵祿儒說十一月甲子時王日也又為星紀主爵祿其占重

後漢書五行志

永平九年正月戊申客星出牽牛長八尺歷建星至房南滅見至五十日牽牛主吳越後廣陵王荆與沈涼楚王英與顏忠各謀逆事覺皆自殺十八年十一月甲辰晦日有蝕之在斗二十一度是時馬太后制爵祿故陽不勝

後漢書

天文志

永建六年十二月壬申客星芒氣長二尺餘西南指色蒼白在牽牛六度客星芒氣白為兵牽牛為吳越後一年揚州六郡逆賊章何等稱將軍犯四十九縣大劫略吏民

後漢書五行志

永和二年八月庚子熒惑犯南斗斗為吳明年五月吳郡太守行丞事羊珍反江賊蔡伯流等數百人攻廣陵九江燒城郭殺都長四年七月壬午熒惑入南斗犯第三星斗為貴相為揚州熒惑犯入之為兵喪其六年大將軍王商薨九江丹陽賊周生馬勉等起兵攻沒郡縣

同上

吳孫權赤烏十三年夏五月日北至熒惑逆行入南斗秋七月犯魁第三星太和二年權薨是其應也故國志書於吳

魏高貴鄉公正元元年十一月白氣出南斗側廣數丈長竟天王肅曰蚩尤之旗也東南其有亂乎二年正月有彗星見於吳楚分西北竟天鎮東大將軍毋丘儉等據淮南叛景帝討平之是歲吳主孫亮五鳳元年也斗牛吳越分案占吳有兵喪除舊布新之象太平三年孫綝盛兵圍宮廢亮為會稽王故國志又書於吳同上

晉武帝太康元年正月己丑朔五色氣冠日自卯至酉占曰君道失明丑為斗牛主吳越是時孫皓淫暴四月降同上初吳之未滅斗牛間常有紫氣道術者皆以吳方強盛未可圖也惟張華以為不然及吳平後紫氣愈明華聞豫章人雷煥妙達緯象乃要煥宿登樓仰觀煥曰僕察之久矣惟

斗牛之間頗有異氣華曰是何祥也曰寶劍之精上徹於天耳華問在何郡曰在豫章豐城即補煥為豐城令到縣掘獄屋基入地四丈餘得一石函中有雙劍並刻題一曰龍泉一曰太阿其夕斗牛間氣不復見焉晉書張華傳

永興元年九月太白入南斗是年陳敏亂揚土晉書志

安東琅邪王始有揚土同上

元帝渡江歲鎮辰太白四星聚於牛女間晉中興書

太寧三年十一月癸巳朔日有蝕之在卯至斗斗吳分也其後蘇峻作亂晉書志

咸和四年七月有星孛於西北犯斗二十三日滅占曰為兵亂十二月郭默殺江州刺史劉胤荊州刺史陶侃討默斬

之同上

太元十九年十二月癸丑太白犯歲星在斗占曰為亂飢為
內兵斗吳越分至隆安元年王恭等舉兵二年恭及桓元陷江州是
後連歲水旱飢同上

隆安四年正月乙亥月犯填星在牽牛占曰吳越有兵喪女
主憂同上

元興二年十一月辛巳月犯熒惑十二月桓元篡位遷帝后
於尋陽三年二月劉裕盡誅桓氏同上

義熙元年八月丁巳月犯斗第一星占曰天下有兵一曰大
臣憂案江左來南斗有災則吳越會稽丹陽豫章廬江各
隨其星應之六年三月己巳月掩斗第五星占斗主吳兵
起是年徐道覆盧循反宋書天文志

宋孝武大明六年八月月入南斗魁中占曰吳越有憂明年
揚南大旱田穀不收民流死亡七年二月月犯南斗第四
星入魁中占曰豫章受災豫章王子尚死同上

梁武帝天監元年八月壬寅熒惑守南斗占曰糴貴五穀不
成大旱多火災吳越有憂宰相死是歲大旱米斗五千人
多餓死其二年五月尚書范雲卒隋書天文志

大同五年十月辛丑彗出南斗長一尺餘東南指漸長一丈
餘十一月乙卯至婁滅占曰天下有謀王者其八年正月
安成民劉敬躬挾左道以反黨與數萬同上

陳文帝天嘉四年九月癸未太白入南斗其後安成王為太
傅廢少帝而自立改官受爵之應也同上

隋文帝開皇八年十月甲子有星孛于牽牛牛吳越之星陳

之分野後年陳氏滅同上

按隋書以上史家旁及占驗自歐陽修作新唐書及五代史但紀災祥不言事應宋後作史者俱循其例蓋以星氣讖緯之學儒者所不屑道也然正惟儒者不之道而星家之占驗愈疎矣宋洪邁隨筆有云星官曆翁之技殊愧漢唐故其占測荒茫幾於可笑今史策既缺後人固不能詳也諸書舊志未可盡信歷代姑撫數條以備稽考

唐僖宗乾符六年歲星入南斗魁中黃巢陷餘干餘干縣志

光化三年十月太白鎮星合於南斗占曰吳越有兵是時楊

行密錢鏐稱兵豫章書

天祐二年夏四月庚子有星類太白白上有光似彗長三四丈

色如赭辛丑色如縞或曰五車之水星也時邑人盧光稠

為本州防禦使尋加節度使兼制南雄韶州次年嶺南劉

隱稱大彭王光稠與戰破之五車州之占候水者兵象也

上猶縣志

宋太祖開寶八年彗出五車色白長五尺是冬南唐亡吳任

臣十國春秋

真宗景德六年五月甲辰月犯南斗占曰大臣憂明年樞密

使王欽若罷欽若豫章人也豫章書

建炎十九年八月戊午月入南斗次年信州盜起同上

乾道二年六月乙酉月入斗八月庚辰亦如之占女后憂十

一月戊午月犯權星占曰女后憂明年皇后夏氏崩夏后

宜春人也同上

開禧三年二月癸丑月犯五車東南星占兵起駕道不通已未火星退留守權星占女后有憂於是成肅太皇太后崩

文獻通考

咸淳五年夏五月有星孛于南斗七年江西飢

上猶縣志

祥興元年秋八月庚申月貫南斗至乙巳夜天狗星大如斗西北流有小星千餘隨之墮海聲如雷數刻乃已時丞相

文天祥自劾江西敗兵之罪趨潮陽為張弘範襲執

同上

金宣宗興定五年正月辛丑太白晝見于牛二百三十有二日乃伏時司天夾谷德玉等奏以為臣強之象請祭以禳之宣宗曰斗牛吳分蓋宋境也他國有災吾何禳乎

王圻

續文獻通考

元世祖至元二十五年秋九月庚子熒惑犯南斗時嶺南賊

董賢舉兵剽掠韶雄南安江西行省平章事忽都帖木兒討之不克江西行樞密使月的迷失請益兵

上猶縣志

大德七年九月辛未熒惑犯南斗是年江西飢

同上

至正十一年七月己未太陰犯斗宿東第三星十月辛巳太陰犯斗宿距星乙酉太白犯斗宿西第二星明年徐壽輝破江素瑞饒信等州十七年七月甲申太陰入犯斗宿距星閏九月丙午太陰犯斗宿南第三星明年陳友諒陷龍

興豫章書

至正二十三年二月星隕康郎湖中曳焰曲折素準曰此枉矢星也主兵四月陳友諒襲龍興七月明祖帥舟師二十萬救之大戰鄱湖五日夜湖水盡赤

餘干縣志

明太祖洪武元年熒惑觸歲星四年熒惑留南斗是年胡廷

美戰鉛山擊陳友定不克鉛民大亂 廣信府志

宣德六年熒惑犯南斗是年鉛山水大飢 同上

正統十四年七月熒惑入南斗先是鄧茂七聚眾寇汀州命

尚書金濂寧陽侯陳懋等率江西兵討之是年茂七中流

矢死眾擁其兄子伯孫為渠帥官軍討之久乃克 上猶縣志

志

正德十三年夏六月有星自東南向西山其光燭天有聲明

年宸濠反誅 南昌府雜志

嘉靖二十三年夏六月熒惑犯南斗是年江西列郡皆飢明

年大飢民多流散 上猶縣志

嘉靖二十七年冬十月世宗欲殺夏文愍言夜半起視三台

星甚朗遂出寸紙行刑俄而星辰晦冥大雨如注京師有

晴乾不去直待雨淋之謠蓋三台星實應驗于夏也 曾櫻遺書

萬曆五年九月四日有星曳於西南色赤如火少頃沒晦日

彗星見西方形如白雲勢若拖練根五丈餘闊三丈餘長

約十丈由尾歷箕越斗度牛至十一月二十九日乃止六

年大疫七年八年皆旱 南豐縣志

萬曆四十六年九月之杪東南方蒼白氣一道闊尺餘約長

丈二尺每五更出現淡旬始滅靈臺占長庚星主兵屬楚

分 贛州舊志

已上歷代事驗

凡候歲美惡謹候歲始或冬至日產氣始萌臘明日人眾卒
歲一會飲食發陽氣故曰初歲正月旦王者歲首立春日

四時之卒始也四始者候之日而漢魏鮮名人姓集臘明正月旦決八風風從南方來大旱西南小旱西方有兵西北戎菽為為成也小雨趣兵北方為中歲東北為上歲東方大水東南民有疾疫歲惡故八風各與其衝對課多者為勝多勝少久勝亟疾勝徐旦至食為麥食至日昃為稷昃至舖為黍舖至下舖為菽下舖至日入為麻欲終日有雨有雲有風有日日當其時者深而多實無雲有風日當其時淺而多實有雲風無日當其時深而少實有日無雲不風當其時者稼有敗如食頃小敗熟五斗米頃大敗風復起有雲其稼復起各以其時用雲色占種其所宜其雨雪若寒歲惡是日光明聽都邑人民之聲聲宮則歲善吉商則有兵徵旱羽水角歲惡或從正月旦比數雨率日食一升

至七升而極月一日雨民有一升之食二日雨民有二升之食如此至七日過之不占數

至十二日日直其月占水旱為其環城千里內占即為天

下候竟正月月所離列宿日風雲占其國然必察太歲所

在金穰水毀木饑火旱此其大經也正月上甲風從東方

宜蠶風從西方若旦黃雲惡冬至短極縣土炭炭動鹿解

角蘭根出泉水躍略以知日至要決晷景歲星所在五穀

逢昌其對為衝歲乃有殃史記

以日冬至數來歲正月朔日五十日者民食足不滿五十日

日減一斗有餘日日益一升有其歲司也淮南子

歲時雜占正月斗建寅日在室歲旦四方有黃氣大熟白氣

凶青氣蝗蟲赤氣旱上旬一日雞二日犬三日豕四日羊

五日牛六日馬七日人八日穀其日清明温煖則蕃陰慘

風寒則耗上旬值甲子豐丙子旱戊子蟲庚子凶壬子水
元宵初日占百果中日晚稻末日早稻諺曰雨打上元燈
早禾一束槁郡境三春多雨旦霧而遲開則晴諺曰春霧
晴夏霧熱秋霧風冬霧雪二月斗建卯日在奎驚蟄雷鳴
主本月多雨次月旱妨農春分日東有青雲宜麥無雲萬
物不成三月斗建辰日在胃三日聽蛙鳴午前鳴高田熟
午後鳴低田熟唐詩云田家無五行水旱卜蛙聲四月斗
建巳日在畢立夏日青氣見東南吉否則歲多災立夏小
滿日俱宜雨諺云立夏不下高田莫耜小滿不滿芒種不
管八日宜晴諺云四月八日晴魚兒上高坪五月斗建午
日在井朔日東風終日米大貴夏至得雨豐稔之候諺云
夏至在月頭一邊喫一邊愁夏至在月中耽閣糶米翁謂

米價平也六月斗建未日在柳朔日值大暑人殃小暑大
水諺云六月壬子歌大水浸黃禾立秋在六月則早稻遲
在七月則早諺云秋前秋收了收秋後秋收了秋七月斗
建申日在翼七夕以前占河影沒三日而復見則穀賤七
日而復見則穀貴八月斗建酉日在角秋分一日不宜於
晴中秋月光則無魚雲重則知次年元宵多雨諺云雲籠
中秋月雨打上元燈九月斗建戌日在房自一日至九日
凡北風則穀賤以日值月占之諺云重陽無雨一冬晴十
月斗建亥日在尾荆楚歲時記天時和煖似春人謂之小
陽春一日宜晴諺云十月一日晴柴炭灰樣平此月宜多
雨諺云十月雨連連高山也是田日午北風急至昏而息
則有霜不息則否是月霜多則來年豐太早則損蕎麥十

一月斗建子日在斗冬至日青雲見於北方吉應來年豐稔否則主旱災以雪有無多寡占來歲豐荒淺深十二月斗建丑日在女大小寒多風雪損畜又以大小寒占大小暑雨無則歲多旱也寒氣在上則雪在下則冰

豫章書

江淮之間氣皆白江漢氣勁如杼

晉天文志

風氣和平無瘴氛毒厲之虞無大水旱螽蝗不至故歲常順成人足衣食惟切連閩嶠山谷四合磅礴鬱積之氣涌洩奮溢陰潤恒多溫冷不常歲春三月多雨寒氣至二月漸退晨霧則晴晴則煖雨則寒綿衣單袂早晚異宜清明時多疾風暴雨四月梅雨蒸溽俗稱爛梅天亦作霉地磚石礎皆潤五月多雨川谷驟漲俗呼端午水夏至後九日中必有驟雨或連日雨俗呼夏九節至是始可御絺綌六月

炎烈少雨七月熱益燥八月猶熱或連雨陰晦亦復蒸濕稱木樨霉十三日至二十三日俗稱詹天家或謂蒹葭之誤近九月始涼亦多風雨十月多晴氣煖如春爾雅疏云十月曰陽月俗稱小陽春可種花木間有霜三冬積數霜至一旬餘或二旬民喜預卜有年十一月十二月或雪或薄冰益喜自五月盡至十月早晚諸稻隨時登收一歲間附郭早稻或再收茶或三收苧或四收牡丹芍藥開放先中州一月菊後一月冬或久晴桃梨花開不為異大抵煖多寒少氣洩鮮凝故人稟殊薄云

宋李觀論盱江氣候

星野有遠近則四時之氣有遲速武寧處豫章西北四山盤結勢趨彭蠡氣候較江南平原為異歲多風春東風雨夏北風雨秋西風雨冬東風則雪夏蛟出則雹四月後梅雨

鬱蒸尚宜重綿五六月驟雨時行秋初熱尤甚多防旱八
九月嵐氣多人易患瘧冬冰不堅諸種宜豫秋社下麥春
社下稼麥遲則凌寒稼遲則苦旱亦地多高亢使然也俗
傳春盡有黃丹瘴則損麥夏盡有乾風起則損稼日出而
雨則生蟲春秋二仲多陰翳謂之弄寒弄暖馮其世論武
寧氣候

按南昌省會所在舊志不言氣候寧邑所志風雨寒煖
大略相似故錄之素近楚信近浙饒九近江南風氣大
同小異而五老康王夏可挾纊桑落封郭早乃豐收所
謂廣谷大川異制也南贛介粵嶺之北恒燠少雪地氣
所囿天氣從之轉移視省會蓋懸絕矣

環郡峰巒不甚開展地逼揚越天氣近之雨暘寒燠之類較

之中土不倫每歲正月雨水以後陰霾日多晴霽日少俗云

春無三日晴季春雨輒雷電時有烈風三四月暴雨時作亦以

晴雨占歲俗云清明穀雨小滿芒種四月八日夏至後少雨

俗云夏雨不過籬冬深陰雨霏霏斷而復續雲封山巔旬日不解

此一歲雨暘之大槩也大庾三縣同崇義陰雨稍異芒種以後日迫於

暑四月蒸鬱為甚三伏炎酷入秋彌烈八九月間多霧霾

曉起山峰莫辨霜降立冬之交天氣始肅十月微有霜三

冬不甚寒雪霰歲或一二作池水有凝凍者得日隨解若

瘴癘則城郭為少山谷有之俗傳二三月謂之青草瘴五六月謂之黃茆瘴九月十月謂

之新米瘴立冬後漸止大都氣候不齊未至如嶺外常暄然而

和煦偏多輕絹單衣冬不盡藏也陳奕禧志南安氣候

以中州言之贛在東南以江右言之贛在正南故贛地常燠

嶺南之人呼過雲雨為天笑六月多有故又曰火雨贛人亦呼過雲雨言其不能久也而所謂天笑必霽雨乍止若將有晴乃為天笑天笑則不晴諺曰天笑人愁春冬及初夏往往有之立夏逢庚入梅芒種逢壬出梅與閩俗同秋霜遲冬冰薄雪霜不過一二日土人謂霜盛曰霜熟雪盛曰雪熟以為豐年之兆也通雅小春月三雨則百蟲飲而藏蟄贛近粵晴煖則蜂虺常出月令季冬雁北嚮贛則在二月月令二月桃始華贛不待二月月令小暑至螳螂生贛季春即有之月令八月乃勸種麥贛以九月獨夏小正正月梅杏桃則華九月樹麥此其與月令不同而與贛同也地無周時之風或發於凌晨迨昏而止或發於午後來朝而止少止復發亦于喞旬日但無子亥周徧者故鮮嚴

寒而冰不壯

張尚瑗志贛州氣候

已上雜占氣候

陰陽之精其本在地而上發於天政失於此則變見於彼猶景之象形響之應聲是以明君觀之而寤飭身正事思其咎謝其過則禍除而福至自然之符也

班固天文志序

政教兆於人理祥變應乎天文得失雖微罔不昭著

晉書天

文志序

原古人所以步圭影之意將以節宣和氣輔相物宜不在於辰次之周徑其所以重曆之意將欲恭授人時欽若乾象不在於渾蓋之是非若乃述無稽之法於觀聽之所不及則君子當闕疑而不議也而或者各封所傳之器以術天體謂渾元可任數而測大象可運算而闕終以六家之說

迭為矛盾誠以為蓋天耶則南方之度漸狹果以為渾天耶則北方之極寢高此二者又渾蓋之家盡智畢議未能有以通其說也則王仲任葛稚川之徒區區於異同之辨何益人倫之化哉

歐陽修唐天文志序

堯命羲和揭星鳥火星虛星昴之象以示人使人知二至二分以行四時不幸而占候之說起持吉凶以惑人紛紛然務為妖妄是以刑網禁之謹按占候之學起於春秋戰國其時所謂精於其道者梓慎裨竈之流耳後世之言天者不能及也魯昭公十七年冬有星孛于大辰西及漢裨竈言於子產曰宋衛陳鄭將同日火若我用瓘斝玉瓚鄭必不火子產弗與明年五月壬午四國皆火裨竈曰不用吾言鄭又將火鄭人請用之子產復弗與亦不復火昭公

二十四年五月乙未朔日有食之梓慎曰將水昭子曰旱也日過分而陽猶不克克必甚能無旱乎是秋大旱如昭子言夫災旱易推之數也慎竈至精之術也而或中或否後世之愚瞽若之何而談吉凶知昭子之言則知陰陽消長之道可以理推不可以象求也知子產之言則知言而中者亦不可聽况於不中者乎所作天文書正欲學者識垂象以授民時之意而杜絕其妖妄之源焉聊舉二條以為證

鄭樵

天文略序

按從來志星野者有二說一主地之方位一主星之光氣主地者似乎有憑實失之固考鄭注分野之初析木寅津幽燕分也而與星紀斗牛相聯東魯為降婁中州之宋為大火反隔一舍其不主地位明矣或者乃以瑞

昌接壤武昌宜為軫不為斗崇義西連柳桂瑞金地近
汀州皆去斗分為遠甚至強配道里於一度中又分細
數不幾欲密而反疎乎以氣相屬不繫方隅其說源於
張衡王充暢於唐僧一行理較當矣昔人猶以星紀北
而吳越南未能破疑試思斗牛雖屬北方之宿而四時
運行非若北辰之居所不移也况星紀舍中農丈人主
稼穡織女主女功瓠瓜主果食宇內同占曷嘗限以南
北哉詳核天文志及星經豫章於次為星紀於辰為丑
於星宿為斗牛此千古不刊之說其麗屬而有時占及
者北斗第四權星第五衡星第六開陽星上台之下星
天市垣東蕃第六星西蕃第二星十二國之越星楚星
五車之司空星於五曜主熒惑及歲星說不盡合亦曰
我有所受之已耳若夫歷代占驗豫章應斗者什之五
六應牛者什之二三翼軫無之觀古可以知今不當以
豫章地曾入楚強附鶉尾次舍矣古來曆法以元郭守
敬授時曆為最善

國朝時憲曆精密過之辨經星之度差由於黃赤道二極
不同心月將之差由於節氣節氣之差由於均分平年
而測景則兼重二分交食則預尅分數至五星經緯從
古無談及者測步不合委之失行而已今法更立正弦
餘弦正切餘切正割餘割等線始以三角對數法為測
量新義夫豈監正五官克修厥職所能致此者歟良由
聖學高深心通象緯而

法宮之中兢兢業業所為格天凝命者又自有原本焉是

西江志

卷一

星野

四

以日月昭回五星順軌薄海內外觀光華而仰覆冒也
江西林志舊缺星野新志補列一門稽考未備上自經
傳史子下迄星書雜志凡言次舍麗屬占驗氣候者采
撫弗遺終之以漢晉志序及歐陽夾漈之說蓋言天必
衷諸人言數不越乎理持此意以志星野庶有合於堯
典欽若敬授之道而不流為星氣讖緯之小智也夫

西江志卷第一

